

中國方志叢書·華中地方·第七三號


據

徐士瀛等修·張子榮等纂
民國十一年鉛印本

影印

浙江省

新登縣志



成文出版社有限公司印行



10097802

中國方志叢書·華中地方·第七三號

據

徐士瀛等修·張子榮等纂
民國十一年鉛印本

影印

浙江省

新登縣志



成文出版社有限公司印行



10097803

新登縣志序

新登舊杭州府屬之新城縣也民國維新改外官爲三級制去府州治以縣隸道特易其縣名之複出者於是易濱江道新城爲扶餘濟南道新城爲桓臺預章道新城爲黎川貴西道新城爲興仁錢塘道新城爲新登惟保定道新城仍舊名焉斯亦民國之一大沿革也據沈休文宋志吳黃武間分富春立桐廬又立新城後并桐廬寰宇記則謂并富陽事遠莫詳但今縣境南至桐廬東至富陽實即吳故縣地其肇名爲已久矣易城留新異於他道其諸寓有愛古之意乎夫杭之新城自前世來亦有志舊矣閱民國甫十稔賡續纂述固太平因仍舊志初非斷自易名以來而名從主人

宋 子 集 卷 一
子 集 卷 一

新登縣志序

新登舊杭州府屬之新城縣也民國維新改外官爲三級制去府州治以縣隸道特易其縣名之複出者於是易濱江道新城爲扶餘濟南道新城爲桓臺預章道新城爲黎川貴西道新城爲興仁錢塘道新城爲新登惟保定道新城仍舊名焉斯亦民國之一大沿革也據沈休文宋志吳黃武間分富春立桐廬又立新城後并桐廬寰宇記則謂并富陽事遠莫詳但今縣境南至桐廬東至富陽實即吳故縣地其肇名爲已久矣易城留新異於他道其諸寓有愛古之意乎夫杭之新城自前世來亦有志舊矣閱民國甫十稔賡續纂述固太平因仍舊志初非斷自易名以來而名從主人

卽志名不得不隨縣而易新登縣志又固明明新登所從出也然則縣雖舊有志易名以來雖因實創顧謀之三載成之乃不及浹辰釐爲七篇都成八帙於山川地望鈎考旣已加密卽政教風土之不變紀述亦簡而有經良宰官之相遞主張誠有足多而縣中士夫拳拳留意斯文其致力尤勤而可佩也余自會稽移筦本道亦閱三年國是猶棼兵塵未淨獨浙省賴大府力謀安定全境晏然然以地瀕湖海猶有風雨時災致勞公私振救新登又幸少災廻溯咸同寇陷杭州縣中文物衣冠掃地而盡戡定之後招來經歲戶口或不逮萬遭禍慘烈可爲悼心五十年來生聚教訓才賢輩出相與振刷而扶植之淺復舊觀戶口之增且四倍焉是人固

啓之天又相之於以知新登之新正未有艾彰美傳善爲前爲後
所係亦重矣此又覽志而欣然屬望於無窮者也門人王子衷海
緣志之成請序於余遂書此以諗之

中華民國十一年秋七月

浙江會稽道道尹調署錢塘道道尹鐵嶺張鼎銘



新登縣志序

周官小史掌邦國之志外史掌四方之志志以志地原有專司負版而來乃重人數兩不相蒙也漢書地理志志與傳分猶曰各體皆備是非專集元和郡縣志加廓矣鴻章鉅製超越古今洵志乘之正軌自鄭氏通志彙集兼收歷朝一統志紀及人物郡縣規仿或可自遂其私而志之體一變流極既衰變本加厲盛京通志專注滿清名臣之傳諸城縣志并目劉氏勛望之門一編史餘乃供阿附衡之志體是豈曰宜千鼎一味勢成積重縣志肇自乾道渺矣難稽有明嘉靖歷經名流按之原序定爲十志損益者再文質協中全豹一斑亦屬憾事道光舊志事核文直參以著潔滄桑屢

變庸有不符民國肇興聿開史館取各省土地風俗之美文物政
教之遺令縣各修志網羅舊聞彙儲秘閣前縣知事徐君卓羣始
議創修劉君益三繼之邑紳分纂延張君華堂總其成築室道謀
責任不專益自勝國咸同之亂遺文灰燼故老凋零徵實爲難咸
曰疏漏遲遲三年矣不敏承乏斯邑竊有志於此以竟徐劉二君
之緒會史君子年重就黑龍江通志之聘自蜀迂道來杭游覽西
湖久願識荆於焉投轄取原纂諸目統加校閱聽政之餘往復商
榷以舊志爲底本缺者補之誤者正之後來者續之本諸衆長斷
以史識彷彿武功富順志例提綱挈領除首列圖畫外定爲七篇一
曰輿地志之本也建置從新疆域未改山川水利詳倍往籍城鄉

測量道路爲準紅羊劫後廡宇廟貌建築煥然古人往矣摩挲苔
蘚間出遺蹟山深市遠遺風猶存物產發明爲地方致富之本是
卽志體之古則也一曰經政人口經喪亂而減賦稅以新政而增
學校實業謀新有漸一曰士女一曰官師地方之賢能與齊一地
方之政教二氣未沒三異可懷一曰文物四庫旣收私家能著不
搜古刻非剝則鎔一曰武備承平日久兵備自弛溯自淮南之役
近及粵匪之亂滔天浩劫人含餘悲一曰拾遺不入各目而又不
忍愬然舍去擇其可存者彙歸之也子京新書事增而文損張氏
紀事本立而未該絲緒紛而體例嚴時局更而事實備庶足繼往
籍而示來茲矣有不能已於言者地亘古而不移人閱世而易論

子長良史衛霍有恩怨之辭對山名志文武貽闌入之誚可以信古不無疑今其失也誣或且貽穢人物所紀舊志時代之前輒有加入距今益近彙紀益多或藉表親舊之門亦取材私家之譜如農去草又恐傷苗是則秉筆者意計中事益慨然於志體之泛溢爲不可復也是役也始於八月一日成於九月三十日兩閱月而竣原分纂洪君客塵汪君英黼王君奔川均襄是事云
中華民國八年十月雙十節知新登縣事譚錫瓚識



新登縣志凡例

一舊志曰浙江新城縣志標名浙江恐與山東江西新城混也
既以同名更新登不必以浙江冠首

一因沿舊志當日續修既名新登實本續修名則創立直曰新
登縣志

一舊志用浙江通志例引用某書逐條標識茲引用多歷代縣
志仍循舊例於道光縣志則曰舊志

一各志舊例首圖分野地理之學既已發明分野實爲無據應
并祥異概予刪除

一縣繪總圖鄉各繪分圖仿乾隆府廳州縣志府廳州總圖縣

分圖之例

一目類零散仿武功志以七篇爲提挈曰輿地篇建置疆域形勢山水水利城池鄉鎮津梁道路官署壇廟寺觀教堂墳墓坊表勝蹟風俗物產隸之曰經政篇賦稅戶役荒政學校實業隸之曰士女篇選舉仕進人物釋道游寓列女隸之曰官師篇職官名宦隸之曰文物篇藝文金石隸之曰武備篇兵防團練保甲警察兵事隸之曰拾遺篇雜誌隸之

一建置沿革舊志首用皇圖全覽圖表復攷建置今循各舊志時代全列詳表庶乎清晰

一疆域爲誌地主要不嫌詳盡今昔接壤不無參差以時近測

量爲準

一舊志山水目錄列城池橋梁數則之後輕重似乎失序山川方向以縣治測之亦多未合均即補正

一水利堰塘失修則淤舊志更時既久陳蹟就湮備述舊聞証以近狀義在徵實

一舊志鄉市鎮居城池之前茲以城池鄉鎮統紀之

一舊志橋梁埒以津渡茲從河南通志例簡言曰津梁并以道路屬之事本一貫無庸離立

一壇廟與寺觀各志皆獨立不銜接其實廟與寺院以所祀分其中不少混合如觀音廟觀音殿韋陀廟雲林廟等何常非

佛且孚惠廟即在多福院一地而兩誌轉嫌分歧茲以壇廟
寺觀統之以類相從依承而叙

一國家文明政教分治信教自由明載約法憲法雛形已胎於
此本邑除原有僧道各舊教已詳壇廟寺觀外茲再將天主
教耶穌教各傳道場所彙增教堂一目義取紀實亦以覘文
化之競進焉

一墳墓坊表才德鄉望起人肅敬之心外則蘇小小青亦屬佳
話若尋常墳墓藉以流傳揆以前志之慎重決無斯濫損之
又損尙覺其浮

古蹟爲歷代遺留漸即湮沒不經紀述攷古益無所憑勝景

流連或經名人題詠而顯非八景十二景所得限而名也茲以古城冠首補舊志之缺名作流傳尋乃遺址尤望後來有志者之修復

一風俗本習慣亦本禮教民國禮制未頒無所適從新邑山深而僻守舊餘習多於維新新舊遞嬗之間但從時述

一賦稅視物產之多寡爲額亦視政務之支消而準昔多名色今則劃一地方行政一歸附加是宜備載

一人口咸同罹劫子遺萬餘迄今又逾四萬不求拓殖之方何以能久備書以俟採風

一倉儲以備凶荒蠲賑以濟倉儲之乏城鄉分倉義主均需書